

列

朝

詩

集

列朝詩集

閩集第六

神鬼

徐仙一首

霍山仙詩一首

瑤華洞仙女詩一首

蘇小小一首

薛濤聯句一首

桃花仕女八首

琵琶亭詩二首

華亭故人詩二首

吳師禹詩二首

王秋英詩二首

梁山老人二首

晚翠亭詩一首

續鬼詩一首

花神詩一首

永瀾溪鬼二首

沙上鬼詩二首

菽鬼詩一首

輟茶堂玉海詩一十二首

陶楚生二首

鳳詩二首

鸚鵡詩一首

外夷

滇南

阿溢一首

楊淵海一首

段寶一首

僧奴一首

妖巫女歌一首

覽馮誠一首

段世二首

支渭興一首

省憲官一首

粵東寶歌一首

朝鮮

守門下侍中鄭夢周一十六首

覽南家二首

侍中李穡二首

簽書李崇仁一首

左司議鄭樞一首

金九容一首

李詹一首

曹慶一首

朝鮮國王李芳遠一首

鄭道傳一首

趙云乞一首

成石磷一首

鄭希良九首

成侃二首

成侃二首

釋宏演一首

徐居正 三首

申叔舟 二首

白元恒 一首

崔應賢 一首

金沂 一首

南季温 一首

金宗直 六首

金淨 五首

申光漢 七首

安璉 一首

崔慶昌 一首

許鈞 四首

許筠 十首

李秀才 一首

藍秀才 一首

尹國馨 一首

梁亨選 一首

梅月堂詩 二首

蔣谷詩 三十六首

崔孤竹 一首

趙瑗妾李氏 一十一首

成氏 三首

俞汝舟妻 三首

許慈氏 一十九首

德介氏 一首

娉 一首

日本

天祥 一十三首

釋全俊 一首

機先一十首

大用一首

客哩嘛哈一首

答里麻一首

左一首

貢使一首

不知名三首

交趾

交趾國王一首

使臣二首

占城

使臣四首

內一首或云日本貢使

神鬼詩

徐仙

南唐徐溫之二子知證知諤降神于闕太宗皇帝遣使迎其神祀京師  
即洪恩靈濟宮也闕人錄其降筆詩文名徐仙翰藻

偶作

靜裏乾坤不計春非非是是任紛紛醒原醉白今何在雲外青山山外雲

霍山巖壁仙詩

永樂十三年修道志採取事蹟龍川諸生古璉李選往霍山見巖壁有

詩題人間富貴

云既而邑人李貴奇聞而往視不見前題別有句八

表烟霞

云合之乃一絕句知爲仙人筆也

八表烟霞總一家藍橋到此作生涯人間富貴塵如海虛度春風三月花

瑤華洞仙女詩

洪武辛酉林鴻子羽爲將樂縣訓導與容游玉華洞酒酣籍紳而臥夢

入瑤華洞天洞主之三女小字芸香延入天葩軒紫有詩集題曰霞光

女郎曰嚴君階列地仙取司文衡凡文人才子之詩皆錄集中以備上

帝御覽妾見君詩數十首至一烏鏡天淨萬花潭雨香與檄雨古壇曠

禮星寒殿閒之句尤嚴君所稱賞也因揮翰賦詩留連而覺翌日避客

傷游夢徑宛然石壁阻絕潭深莫測鴻書一詩投之如炊黍許見蠟箋

浮詩云云覽畢循所得箋乃一黃葉字亦隨滅矣子羽有記甚詳

天葩小院敞銀屏鵲散天河逗客星欲識別來幽意苦晚峰長想黛眉青

詩亦見子羽集

蘇小小

和馬浩瀾游西湖詩

西陵瘦小小葦處也弘治初于京兆晁瞻謝事歸杭與詩人馬浩浩瀾同泛西湖馬首倡詩曰回舸秋風湖上來水通天碧靜無埃一雙鷓鴣忽飛下千朵芙蓉相映開鳥似彩鸞窺寶鏡花如仙子步瑤臺風光堪賞遠堪賦其奈江南使信哀明日再游坐中有客扶杖浩瀾以前詩詩和運凡如飛詩畢曰錢塘蘇小小和馬先生昨日湖橋首倡出揚儀驪珠雜錄

此地曾經歌舞來風流回首即塵埃王孫芳艸爲誰綠寒食梨花無主開  
郎去非雲叫聞闔妾今有雨在陽臺衷情訴與遼東鶴松栢西陵正可哀

薛濤聯句

五羊田洙字孟沂洪武十七年從其父赴成都教官館于郊外日暮還學宮遇山下桃花盛開徘徊久立一美人延佇花下目成笑語攜婦其家自稱文孝坊薛氏女相與賦詩聯句往來數月主人翁覺而伺之美人泣曰數盡矣質明鄭重而別主人曰此地相傳爲薛濤所壑故鄭谷

成都詩有小桃花鏡薛濤蹟之句文孝坊者教坊也洙後中甲戌榜進士爲曹縣令

落花聯句

韶豔應難挽芳華信易凋薛首綴堦紅尚媚洙委地白仍嬌薛墜速如辭  
樹洙飛遲似戀條薛薛鋪新蹙繡洙艸壘巧裁綃薛麗質愁先殞洙香魂  
痛莫招薛燕銜歸故壘洙蝶逐過危橋薛粘帙將晞露洙衝簾乍起颺薛  
遇晴猶有態洙經雨倍無聊薛蜂趨低兼絮洙魚吞細雅藻薛輕盈珠履  
踐洙零亂翠鈿飄薛鳥過生愁觸洙兒嬉最怕搔薛翅英浮雨澗洙殘蕊  
漾風潮薛積逕教童掃洙沿流倩水漂薛媚人沾錦瑟洙淪茗入詩瓢薛  
玉貌樓前墜洙冰容夢裡消薛芳園曾藉坐洙長路或追鑣薛羅扇姬盛  
瓣洙筠籬僕護苗薛折來隨手盡洙帶處近髮焦薛泥浣猶悽慘洙瓦空  
更寂寥薛葉濃陰自厚洙帶密子偏饒薛豈必分茵洞洙寧思上研硃薛  
香餘何吝竊洙珮解不須邀薛冶態宜官額洙痴情妬舞腰薛粧臺休浪  
拂洙留伴可憐宵薛

桃花仕女詩



紹興上舍葛崇博學能文下筆千言未嘗就稿景泰辛未築亭於圃旦夕浩歌縱酒壁張桃花仕女古畫棠對之戲曰誠得是女捧觴豈吝千金夜飲半酣見一美姬進曰日間重辱垂念請歌詩以侑觴棠曰吾欲十杯一詠姬乃連詠百絕棠沉醉而臥曉視画不見仕女少焉復在今錄棠所記憶者八首餘皆忘之矣

梳成鬆髻出簾遲折得桃花三兩枝欲插上頭還住手徧從人問可相宜  
懨懨欹枕捲紗衾玉腕斜籠一串金夢裡自家搔髻髮索郎抽落鳳凰簪  
家住東吳白石磯門前流水浣羅衣朝來繫着水蘭棹閑看鴛鴦作對飛  
石頭城外是江灘灘上行舟多少難潮信有時還又至郎舟一去幾時還  
潯陽南上不通潮却算游程歲月遙明月斷魂清露靄玉人何處教吹簫  
山桃花開紅更紅朝朝愁雨又愁風花開花謝難相見懊恨無邊總是空  
西湖荷葉綠盈盈露重風多蕩漾輕倒折荷枝綠不斷露珠易散似郎情  
芙蓉肌肉綠雲鬟幾許幽情欲話難聞說春來倍惆悵莫教長袖倚欄杆

琵琶亭詩

吳江沈韶年弱冠美姿容嘗和陸天錫韻題吳中二首爲時輩所稱洪

武初避徵辟泛舟游襄漢次九江登琵琶亭月下彷彿聞歌聲有司馬  
青衫之感明日復往徙倚亭中有麗人冉冉而來呼韶同茵而坐曰妾  
僞漢陳主婕妤鄭娥娥也年二十而死殯於亭側命侍兒鈿蟬取酒歌  
念奴嬌二闕曰昨夕郎所聞也口占一律贈韶與留連半載談元末  
群雄興廢爲漢宮中事歷歷可記臨別以金條脫爲贈同游梁生作琵琶  
琵琶遇歌

贈詩

鳳艦龍舟事已空銀屏金屋夢魂中黃蘆晚日空殘壘碧艸寒烟鎖故宮  
隧道魚燈油欲盡粧臺鸞鏡匣長封憑君莫話興亡事淚濕胭脂損舊容

韶谷詩

結綺臨春萬戶空幾番揮淚夕陽中唐環不見新留襖漢燕猶餘舊守宮  
別苑秋深黃葉墜寢園春盡碧苔封自慚不是牛僧孺也向雲堦拜玉容

華亭故人詩

吳元年國兵圍姑蘇上洋人錢鶴舉起兵援張氏華亭有全賈二生據  
慨談兵叅謀議事敗皆赴水死洪武四年春華亭士人石若虛出近

郊遇二生於塗忘其已死班荆酌酒二生各賦一詩詩就悲歌歎息揮手別去不知所之

全生詩

幾年兵火接天涯白骨叢中度歲華杜宇有冤能泣血鄧攸無子可傳家當時自詫遼東豕今日翻成井底蛙一片春光誰是主野花開滿羨藜沙

賈生詩

漠漠荒郊鳥亂飛人民城郭歎都非沙沈枯骨何須葬血汚游魂不得歸麥飯無人作寒食綈袍有淚哭斜暉生存零落皆如此但恨平生壯志違

吳師禹

成化間侯官吳洪字師禹結屋吳嶼江上種花讀書月夜輒棹小舟載酒與漁翁共飲酣歌相和嘉靖辛酉師禹物故久矣士人張君壽壘稔浪游以八月十四夜泊舟吳嶼江心見上流扁舟如雀一老翁盪槳浩歌聲拂江水君壽異而問之曰我吳師禹也邀君壽至其家碧流環繞圖史分列出蔬筍餽酒歡甚取羅紋箋書一詩置几上夜闌共寢睡覺乃在叢條中石上詩箋猶存應手灰滅

船上歌詩二首

郎提密網截江圍，妾抱長竿守釣磯。  
磯滿載舫魚都換，酒輕烟細雨又空歸。  
蓼香月白醒時稀，潮去潮來自不知。  
除却醉眠無一事，東西南北任風吹。

雙上題詩

世路無媒君莫悲，開關看取牡丹枝。  
姚黃魏紫俱零落，能得春風有幾時。

王秋英

嘉靖甲子福清諸生韓夢雲授經于邑之藍田，過石湖山見遺骼哀而掩之。是夕宿藍田書舍，一童子歎扉投刺曰：娘子奉調，俄有麗人立燈下，歛衽再拜謝掩骼之事，問其家世曰：楚人也，姓王氏，名秋英，字澹容。父德育，元至正間以兵曹郎叅軍入關，妾從任，遇寇石湖山，投厓而死。今得與公遇，亦夙緣也。遂薦枕席，作詩詞以贈生，生還家，英復遣童子遺詩，明年寒食，生携鷄黍奠英墓上。少頃，英至，藉艸痛飲，謂生曰：妾懷君之子，將免身矣，請從君而歸。乙丑四月，產一丈夫，子復謂生兒爲鬼，子里人觀者如堵，恐不便於君，妾當歸楚，寄兒楚人後十八年，圖相見也。萬曆壬午，遺書招生曰：兒寄湘陰朱黃橋，亟往覓之，生遂抵湘陰，扣

朱氏朱氏言歲乙丑有神女扣門以白布裹兒題以血書曰聞人韓夢雲子也後十八年當來君其是乎兒名鶴算爲朱氏第三子父子抱持慟哭遂更韓姓仍留楚就昏於易氏將發英復至借歸閩踰年別生與家人曰緣盡矣揮淚而去舉家號慟爲之舉喪立主以祠之

冬日寄韓生於玉融

朔風振撼似瀟湘滿樹歸鴉噪夕陽不見王孫停駟馬惟聞牧豎喚牛羊  
荒山野水悲長夜懶鬢疎容怯凍霜漠漠陰雲愁黯黯幾時相對一爐香  
歸楚留別夢雲

兩年歡會夢魂中聚散人間似轉蓬歲月無情催去燕關河有信寄來鴻  
劍沉延浦光終合瑟鼓湘靈調自工他日扁舟尋舊約夕陽疎影楚雲東  
梁山老人

南靖黃龍軒授徒縣之古樓道過梁山遇一老人自稱梁公與談易理不覺日暮老人邀之宿壁間懸詩一軸題五言絕句云旋出酒共酌一女童侍立問何名女童笑曰四十年前曾於遇仙橋沽我酒遂忘之耶老人曰無多饒舌因目之人又贈詩一章既就寢聞閉戶聲火光瀉

疎屏間歷歷可見薄曉夢中聞鳥啼起視則露寢艸間都無人跡醒軒  
之子鏤舉進士萬曆初爲刑部郎離軒乃卒

然間詩

青青千里艸隱隱獨家村日暮客投宿山深虎守門

贈詩

自有安車自不知勞勞奔走欲何爲回頭打緊修工課似我南山種豆時

晚翠亭詩

葉世奇艸木子云鬼作晚翠亭詩

云昔危太朴學士與范德機先生

同晚步先生得二句云雨止修竹間流螢夜深至喜甚既而曰語太幽

殆類鬼作亦近似也

一徑入青松飛流澹晴綠道人晚歸來長歎振林谷山深不知秋落葉下

枯木須臾翠烟開月色照綵服

沙上鬼詩

有兄弟同溺死采石江其友夜泊潮處望且見沙上大書云云

長風吹浪海天昏兄弟同時弔屈原千古不消魚腹恨一門誰識雁行寬

紅粧少婦空臨鏡，白髮慈親尚倚門。腸斷不堪回首處，一輪明月照雙環。

墓鬼詩

吳人竹溪翁讀書山中夜分鬼扣其門不納鬼誦詩云

墓頭古樹號秋風，墓底幽人萬慮空。獨有詩魂消不得，夜深來訪竹溪翁。

承福溪鬼詩二首

侯官唐漢徵時泊船承福溪夜聞二鬼共語各吟一詩吟已相謂曰唐

叅政在此後如其言

隨波逐浪滯孤魂，白骨沈沙漾水痕。幾寸柔腸魚嚼斷，不關今夜聽猿啼。

饑鳥送我棠梨道，雨打風吹梨花老。寒食何人奠一卮，鶻鶻載上生春艸。

積鬼詩

庭前兩株松，風吹一株折。積詩朝減半，庭陰夜減半。庭月有留作前兩句

詩不能續而死姿風寒月常有鬼吟此二句後有人宿于此間

連減

花神詩

鄒翰卿客西寧侯邸第晝寢夢一黃衣少年遊至左廡下共飲呼一麗

人至靚妝絕代少年自起舞歌春游之曲曰芳艸多情王孫未歸遲我  
良朋東風吹衣麗人作迎風之舞歌春愁之曲鄭正歡適妙牌曰文卷  
眼喻至前罷席而寤起視庭中牡丹一花映日婉媚一黃蝶翩翩未去  
乃花神與少年耳綠葉上一螳螂長二寸許則文苑枝尉也其年西寧  
亮逝

春愁曲

老營巧婦送春愁幾度留春更不留昨日漫天吹柳絮玉人從此懶登樓  
徹鑿堂玉海詩

曹縣王士龍字五雲才調綺拔志規遐舉天啟五年以明經除嘉興府  
通判久之遷商州知州潔已愛民謂吏剝民財如割人肉噉口結納權  
貴鷄販好官死銅北鄧餘殃累世且吾之性悠悠曠蕩如雲霞風月之  
不可以囊橐攬貯而鴻雁鳶鴻之不可以樊籠緹羈也遂自免去官矢  
心玄修群真降乩詞翰往復或云有靈真降受如興寧三年楊君故事  
上能有徹鑿堂詩崇禎十年青渚大帝瑤華氏韓湘爲序奉玉帝命所  
撰也士龍後更名道元自稱祝嘏大道人銀東紫齋守王道元謂玉帝



降勅所署也日月合而乾坤重萬善闢而宇宙尊總乾坤宇宙之傾誠  
海會無有或遺是之謂玉海世間粹美莫過于玉洪津莫加于海諸善  
之詩或屬一返或獲夢抱故以玉海名之其祝釐之數以一千萬年爲  
一京祝聖壽必云萬萬京玉帝亦以億世修積漸加也廣寒以星君爲  
主官尉輔以下屬員甚多嫦娥共有百二十餘座昇降謫罰與世無異  
又最玄祕者傳增事例天上男女二榜俱于甲年女榜以姦伯彤玉爲  
主考龍宵大皇母爲總裁瑤池王母爲提調才善七十二員分房閱卷  
二月十六日一場判三條十九日二場律詩四首二十二日三場論一  
篇入試三千九百二十八人僑才一百二十九名各曰署士入簾名在  
瑩香宴放榜名詳署正宴儀節甚多不能悉舉又靈真位業一十九位  
太保萬楚中嶽陶濤南嶽杜甫西源大帝王義之巡王四大州謝安左  
館玉書蘇子瞻西溟星君莊定山太極殿大學士李于鱗其可知者也  
今古詩人玉許可者李白韓愈輩其中有王世貞謝榛豈時代遞降世  
好所鍾上帝亦不得而違也

纔從下里盼中陽，忽踏晶亭看海棠。百千峰頭飛鳳鶴，九星河裏浴霓裳。  
十天露洒人千劫，萬殿香飄玉一林。握手紫簪傾珀水，紅雲媚媚泚笙簧。  
月滿中霄永不斜，洪沾萬億總黃麻。傳瑤何日飛神女，煉石今朝挹聖媽。  
釐菴青蒸三簾雨，彤花絳散九明霞。武陵莫羨春如錦，例到其官玉海賒。  
平博羊角看逍遙，袖拂虹岡萬里橋。地湧祥雲紅鶴舞，天開瑞雨白龍朝。  
三吞香溢琪山鉢，九奏風生玉陛韶。一種銀家堆紫霧，笑稱添女和蕭蕭。  
滿星絕筆此要聖妃西江絕筆也庚申二月星君傳我於大楠空

圖虎唇龍歎舊圖，血書才了鳳睛枯。迄今十丈鄱陽水，流盡當年淚點無。  
仙錢詩

爲種蟠桃樹，千年一顆生。是誰來竊去，唯問董雙成。

蘭貞玉懷春詩

沉印香花四寸羅，銀尖彈鳳麗情多。可憐十度傳觴手，未向紅牕寫翠娥。

雲貞

雲貞名朝替，字天母，湖州人。二八絕色，癸甲戌天榜二十七名，卽上玉帝。此詩取入玉宮掌札。

雲花伴鶴迴難群二百叢中第一人  
氣壓崑崙無剩璧才流江海有餘垠  
昂藏踏踐紅龍瓜號叫衝開白兔鱗  
早賜彤庭綸握事何辭匍匐獻冊宸

周貞環

貞環金鄉周中丞之子婦貞烈潘姬也丙子七月初一日赴亂申謝贈  
我此詩

跳出塵埃入玉鄉  
瓊樓深處叩穹蒼  
繁華總是無根艸  
寶月方知碧海長  
有處秋聲鶴唳語  
無愁善化兔園香  
勞君祝我三生句  
拭筆猶描紫翠堂

彤玉詩

二首以下詩雜出降嘯不知誰作

例到月圓已及瓜  
金觴舍肺吐丹霞  
回頭天地皆青玉  
瞥眼山河盡紫花  
雙手扶將千劫柳  
兩人同御萬京車  
玄精樂奏鸞鳳陣  
一席陵岡曼玉珈  
紅鶴飛鳴聽玉瑞  
紫雲深處唱金竿  
一杯膠雨山河嘯  
千鏡澄風宇宙香  
寶氣紛籠青鳳影  
天花爭漾赤龍光  
萬霄團結瓊瓏壁  
一體清瑩百月長

白凌上果

修佛修仙大道場  
脫離地獄卽天堂  
千年外生真聖  
百萬劫中誕玉皇  
人世最憐禽獸苦  
龍霄惟有鬼神忙  
明明說與君知得  
子孝臣忠覓秘方

奉東梅杜

萬里長橋九節虹一國暝色轉臙隴原多勝友居天上更有同人在月中  
剪翠堂前湘竹冷飛花殿裡海棠紅年愁百二吾皇憫卅載三旒並御風

陶楚生

陶楚生者金陵之名士也歸於吳興茅止生不三載而亡臨沒見羽幢  
相迎曰爲西玄洞主一詩詞人賦詩哀挽名曰西玄洞志歲癸酉降於  
曹南王士龍之訛六月望同神善十有一駕至自述小傳係瑤池西玄  
洞八主之一名倚英茅生亦東朝大元官二品才官也陶羨之因徵次  
其浪倚洞天分紫翠騎雲願入九重樓之句玉監瑤觀察雙奏兩謫因此  
七世苦縛償緣不已輿連兩世一枕三秋又辱瑤池雙引仍主西玄侍  
彤朝玉分掖候釐苦海無涯回頭是岸止生勗勉哉又跋曰倚有一几  
嗽雲腮公暇以觀書臨帖哦詩爲私課螺園詩三十首俱高旌螺翠山  
諸景之妙今巧五雲代錄附小傳之後今世之觀者知我穩棲銀餘飛  
游青末與夜臺腐焦者不同其自署曰神霄東府內苑螺翠山元澄第  
一宮閩夷証覺元君陶倚英止生得五雲報作西玄青鳥記

螺園詩三十首

第二首

十七報我軒

不報

注曰軒有八門風氣隨候出入忽化白鳳能言無所

秦田滄海世如流萬劫等山此處求座下金竿驚暖淚眼前玉兔識春秋  
瑤池殿上靈椿酒陽子官中碧杏旣報說人間圓日近黃河清處是丹丘

二十聚香閣

注曰在紅鶴嶺南有牡丹千株五色隨時四時不卸

十二雕闌盡白瑋賣花聲裡唱流鶯月來露濺胭脂瘦風去雲牽琥珀輕  
瑤國龍鬚蘭麝滿仙姬鳳骨玉香瑩酣來忘却千官錦倒臥瑤階碧漢橫

妖鼠詩

成化二年長樂士人陳豐獨坐山盃梁上二鼠相鬪忽墜爲二老翁長  
可五六寸對坐劇飲聲如小兒旣而有二女子歌舞勸酬其歌詞云  
酒旣闌迺合爲一大鼠向士人作拱揖狀而去

鼠歌

天地小如喉紅輪自吞吐多少世間人都被紅輪誤

又歌

去去此間不是留儂處儂住三十三天天外天玉皇爲儂羨男女

鸚鵡詩

大梁山貨店養鸚鵡甚慧東關口有料哥亦能言兩店攜一鳥相較鸚鵡歌一詩料哥隨和音清越不相下料哥再挑與言不答一字人問其故曰彼音劣我而黠勝我謂口便爲所竊矣臬司有愛子病篤購以娛之賈人籠之以獻鸚鵡悲愁不食自歌云留之五日苦口求歸乃返之山貨店垂頸氣盡人稱爲首陽鸚鵡萬曆間事也邵伯溫聞見錄云廬南有鳥名秦吉了夷酋欲貨取之秦吉了曰我漢禽也不願入蠻夷山遂絕食而死二鳥事相類而鸚鵡能詩尤奇鸚鵡能言不離飛鳥豈可以論二鳥哉

我本山貨店中鳥不識臺司衙內尊最是傷心懷舊主難將巧語博新恩

外夷詩

滇南

段功妻阿溢

元季梁王把都鎮雲南明玉真自將紅巾三萬來攻大理總管段功擊退之王深德功以女阿蓋妻之功威望大著王忌而誘殺之阿蓋欲自盡不得死愁憤作詩

吾家住雁門深一片閒雲到滇海心懸明月照青天青天不語今三載

欲隨明月到蒼山恨我一生路裏彩錦被吐嚙吐嚙段阿奴吐嚙可施宗

施秀同奴好也不雲片波濤不見人押不蘆花顏色改死回生之草

屏獨坐細思量屏也西山鐵立霜瀟灑也

員外楊淵海

楊淵海段功之從官也功死淵海爲挽詩題于粉壁飲藥而死

半紙功名百戰身不堪今日總紅塵死生自古皆由命禍福于今豈怨人

蝴蝶夢殘滇海月杜鵑啼破點蒼春哀憐永訣雲南土錦酒休教灑淚頻

左丞段寶

段功之子寶復據大理梁王七攻之不克秦陞雲南左丞明玉真復侵

善闡梁王遣使借兵大理寶答書云殺虎子而還喂虎毋分狙栗自

詐狙公假途滅虢獻壁吞虞金印玉書乃爲釣魚之香餌繡閣淑女自

設掩雄之網羅平章既亡弟兄罄絕今止遺一熬一奴奴再替華黎氏  
熬熬可配阿蓋妃如此事諾必借大兵如其不可待金馬山換作點蒼  
山昆明池改作西洱河時來矣又附詩一篇

烽火狼烟信不符驪山舉戲是支梧平章枉喪紅羅帳員外虛題粉壁圖  
鳳別岐山祥兆隱麟游却數瑞光無自從界限鴻溝後成敗興衰不屬吾

段功妹僧奴

僧奴適阿黎氏道段寶詩二首今爲兄復仇

珊瑚勾我出香闈滿目潸然淚濕衣冰鑑銀臺前長大金枝玉葉下方非  
烏飛兔走頻來往桂馥梅馨不暫移惆悵同胞未忍別應知含恨點蒼低  
何彼穠穠花自紅婦車獨別洱江東鴻臺燕苑難經目風刺霜刀易塞胸  
雲舊山高連水遠月新春疊與秋重淚珠恰似通宵雨千里關河幾處逢

段氏妖巫女歌

高皇帝開基金陵段寶遣其叔真白會川奉表歸欵朝廷亦以書報之  
時有妖巫女歌云

莫道君爲山海主山海笑諾諧園中花謝千萬朵別有明主來



鳳馮都督誠過段平章墓

平章即段功也

田橫五百劍孤身憫服關山半委墜白闕玉樓招客記南滇彩壁說詩人  
蒼山夜黑雲遮月金馬天寒鳥怨春共說平章迷綉幕至今應樂水聲頻

段世上穎川侯詩

洪武十五年二月大理段世聞滇破差都使張元亨州判李洪上書於  
穎川侯書後附一詩

長驅虎旅勢威桓深入不毛取暴殘漢武故營旌影滅唐宗遺壘角聲寒  
方今天下平猶易自古雲南守獨難擬欲華夷歸一統經綸度量必須寬

別故人詩

洪武十六年解段氏父子至京有別故人楊朝彥詩

雄兵一旦破重關父子今離瞬息間別後欲知相憶處錦江流水碧潺湲

雲南廉訪支渭興

至正二十六年重午梁王宮門外觀射柳隨侍文武賜宴渭興賦詩

地平如席艸如茵年少將軍酒半醺朱鬃馬穿人影過綠楊枝逐箭鋒分  
旌旗色映官牆柳鼓角聲飄海外雲何日鯨鯢俱授首普天偃武共修文

賀梁王生日詩

至正二十七年閏四月梁王生日宴文武于昆明池上省憲官以持質賢君獻壽宴嘉賓殿帳先施巨海濱萬里晴天開錦帳一川芳艸臥麒麟笙歌緩送金杯酒鎧杖寬圍玉佩人醉飽百官咸稽首願王高壽過千春

蠻歌

粵東俗淫有蠻歌云

老龍山下有狂風老龍山上月朦朧檳榔勸郎郎不醉事負奴唇一點紅

朝鮮

會稽吳明濟子魚朝鮮詩選序曰萬曆丁酉之歲司馬公贊畫東援朝鮮明濟以客從戊戌季春涉鴨綠軍于義州孟夏從司馬公獵於城南及坎馬敗值雨休于村舍遇李文學能詩解華語次日訪我于龍灣之館賦詩相贈於是文學輩稍稍引見因訪東海名士崔致遠諸集辭曰小國喪亂君臣越在艸莽幾七載首領且不保況于此乎然有能憶者輒書以進凡二百篇及抵東京館下許氏伯仲三人曰筠曰箴曰筠以文鳴東海筠敏甚能誦東詩數百篇復得其妹氏詩二百篇而尹判書根壽亦多搜殘編

所積盈篋已亥余自長安復征朝鮮館于李氏朝鮮議政德馨也雅善詩文益請搜諸名人集自新羅至今朝鮮共百餘家披覽之凡兩月得佳詩若干篇類而書之許筠後序曰朝鮮承襲周太師禮義之教風化之美與中國稱昔周官採詩夫子採詩三韓不及遠莫致乎夫遺于千載前而遇於千載後小國之音始與成周齒于魚之功盛矣哉明濟又撰高麗世記一卷記朝鮮終始最詳蓋彙括東國史而爲之也

守門下侍中鄭夢周

夢周高麗迎日縣人爲人豪邁絕倫負忠孝大節詩文宏放峻潔精研性理之學李穡爲大司成選爲學官經書至東方只朱子集注夢周講論辨難縱橫引据往往超出其表穡歎服曰此東方理學之祖也親喪廬墓三年東國之俗爲之一變洪武七年恭愍王顛被弑立辛禑宰相李仁任殺我使人蔡斌議降北元夢周爲大司成上書力言其非被放復遣使日本逾年乃還禑九年爲政堂文學鮮人得罪天朝懼討議遣使賀聖節請益承襲大臣皆相顧規避禑召論欲遣夢周夢周慨然即日啓行兼程而至我太祖皇帝嘉歎優禮遣還未幾復如京師請蠲歲貢奏對詳明

太祖優詔許之鮮人賴焉禍發兵犯遼東李成桂選兵逐禍放之立其子  
昌齡年又放昌立恭讓王瑤夢周守門下侍郎爲相時國家多故處大事  
決大疑不動聲色張設威當時稱王佐之才當是時成桂倡牛金之議以  
廢禍并欲殺昌威權日盛群小趨附以立昌還禍爲名欲盡殺宰相李穡  
等瑤孤立無倚乃與夢謀成桂洪武壬申三月成桂吹于海州墜馬祥  
疾篤夢周大喜以爲成桂可圖也立召還李穡使臺諫劾流鄭道傳等將  
殺之以及成桂成桂與其子芳遠及李濟等謀殺夢周夢周知之詣成桂  
邸觀變及還芳遠遣趙英珪要于路擊殺之籍其家成桂子芳遠嗣位以  
夢周專心所事不貳其操贈謚文忠洪武實錄載朝鮮事云成桂既立其  
國都評議司察言禍犯遼陽成桂力阻之鄭夢周實主其議以故深怨成  
桂瑤立從史瑤殺成桂及鄭道傳等國人奉安妃命放瑤而立成桂此成  
桂來告之辭史官按而書之者也以東國史叅攷之王諤既弑夢周以諫  
阻北使被放再朝京師深荷優遇遂有主謀犯遼之事攻遼之役成桂實  
在行於夢周何與夢周之欲殺成桂爲其謀篡也非爲其阻攻遼也夢周  
不死成桂篡必不成既殺夢周以竊國又藉口攻遼委罪夢周以自解免

史官信其欺謾按而書之不亦寬乎先是高麗陪臣李彝等奔告天朝詎成桂篡立狀曰在貶宰相遣我來告天子請出師致討太祖流彝等于漂水令禮部出其所記李穡等姓名示使臣趙胖等成桂遂起大獄窮治穡等於是王氏之舊臣斬艾殆盡而成桂之大事定矣太祖以高麗僻處東夷非中國所治聽其自理成桂因是以殺夢周放李穡徼福假璽于天朝用以脇服東人潛移社稷祖訓固曰自洪武六年至二十八年李且首尾弑王氏四王姑待之然則成桂之弑夢周之寬聖祖蓋已灼見本末史官拘牽簡牘漫不舉正亦豈聖祖之本意乎東國之史出朝鮮臣子之手尊成桂父子曰太祖太宗曲爲隱辟而夢周不附成桂之事雖而書之不沒其實正德中麗人修三綱行實忠臣以夢周爲首國有人誰豈非箕子之遺教與余並表而出之無使天朝信史傳弑逆之謾辭以貽敵外藩且使忠義之陪臣負痛於九京也

皇州

鳳閣祥光動曉螭漢庭歌徹大風詩山河帶壖徐丞相天地經綸李太師  
駙馬林池春爛熳國公臺榭月參差始知聖澤深無限共享昇平萬世期

感遇 四首

北風何慘烈，次折松與栢。溟海亦震蕩，魚龍失其宅。天地將窮閉，聖賢徒歎息。黃虞邈難逮，行矣西山客。

西山何所有，深谷多芳薇。采采者誰子，叔齊與伯夷。食粟良可恥，采薇非爲饑。姬氏除暴亂，八百會不期。天下皆稱聖，斯人獨是非。高節凜千祀，綱常以扶持。

淳風去已遠，世道日幽昧。征伐降殷周，祥麟竟遇害。鳳凰化鴉鵲，蘭蕙爲蕭艾。嗟哉孔與孟，天意屢顛沛。時運旣如此，生民復何賴。

人心如雲雨，翻覆忽須臾。素絲變其色，安能復其初。啞啞群飛鳥，集我田中廬。雌雄竟莫辨，泣涕空歎歎。高麗辛禔上淫而不德，侍中李成柱有異志，鬱悶一國之重臣，憂懼之下，發悲而歌之，其志遠矣。

江南柳

江南柳，江南柳，春風裊裊黃金絲。江南柳，年年好。江南行客歸，何時蒼海茫茫波。萬丈鄉關遠在天之涯。天涯之人，日夜望歸舟。坐對落花空長歎，但識相思苦。那識行人行路難。人生莫作遠游客，少年兩鬢如霜白。

聞雁

行旅忽聞雁仰看天宇清  
數聲和月落一點入雲橫  
錦字回燕塞新愁滿  
浴城疎燈孤館夜何限  
故園情

放懷

二首時使日本

生平南與北心事轉蹉跎  
故國海西岸孤舟天一涯  
梅窗春色早板屋雨  
聲多獨坐消長日那堪苦憶家

水國春光動天涯客未行艸  
連千里綠月共故鄉明  
游說黃金盡思歸白  
髮生男兒四方志不獨爲功名

使日本

便節偏驚物候新異鄉踪跡任浮沉  
張鷟槎上天連海徐福祠前艸自春  
眼爲感時垂淚易身緣許國遠游頻  
故園幾樹垂楊柳應向東風待主人

望景樓

百尺樓高石徑橫秋光一望不勝情  
青山隱約扶餘國黃葉紛紜百濟城  
九月西風寒客袂百年俠骨誤書生  
天涯日沒浮雲合回首依依望玉京

偶題

赤葉明村徑清泉漱竹根地徧車馬少山氣白黃昏

舟中

湖水澄澄一鏡明舟中宿客不勝情悄然夜半微風起十里菰蒲作雨聲

贈日本僧永茂

故園東望隔滄波春盡京齋自結跏日午南風自開戶飛來花片點袈裟

征嬾吟

織罷迴文錦字新迴封寄遠恨無因相逢空有遼陽客每向津頭問路人

客中行

潮落潮生漸遠行不堪回首望松京海門千里來相送只有青山最有情

雙旂夜

史曹恭判兼同知書筵事五衛都總管正德九年重職三朝行

實壬午年以議政府左議政爲請卷官

鄭夢周死節詩二首

鮑季衰微泰運升群賢攀附總飛騰從容就死易川子啓我朝鮮節義與忠義由來不可堙平時砥礪且無人疾風勁艸尤難見須識高麗一个臣

侍中李穡



橋夫資明敏博通群籍爲詩文操紙立就平生無疾言遽色不治生產雖  
至屢空泊如也恭愍王二年擢元朝制科第二甲第二名授應奉翰林文  
字承仕郎同知制誥兼國史編修官六年爲諫官十六年判開成府事兼  
大司成以興起斯文爲己任增置生徒選經術之士鄭夢周李崇仁等爲  
學官更定學式日坐明倫堂分業執經論難不倦于是學者全集十七年  
都簽議侍中柳濯等極諫影殿之役下巡軍獄將殺之命穉製教諭衆穉  
請罪名而不奉教頗大怒并下獄穉抗對不屈頗感悟命釋濯等二十年  
爲政堂文學掌詞翰數十年屢見稱于中國辛禍十三年以韓山府院君  
掌貢舉用舊例享禍于花園禍以師傳敬穉親執手入命對榻坐穉固辭  
禍親牽殿鞍馬賜之十四年判三司事李成桂廢禍立昌穉爲門下侍中  
成桂守侍中當遣使入賀正且請王官監國大臣皆畏懼穉爲相自請行  
成桂威權日盛恐行後且有內變請以其子爲從行成桂益忌之成桂放  
昌立瑤將圖篡立諫官希旨劾李崇仁權近等流之穉乃乞解職歸長湍  
臺諫復上疏請泊穉等議立辛昌又欲迎還辛禍之罪卽訊長湍穉占對  
不少屈使臣趙胖等還自京師出禮部所示陪臣李彞等籍記穉等姓名

遠稽繫清川獄方鞫問時雷雨忽大作暴漲衝南北城漂沒官署獄官蒼黃攀樹木以免用鄭夢周言宥檣等任便居住鄭道傳擁戴李氏上書都堂請誅檣臺諫交章助之乃流檣于咸昌省憲刑曹論列未已夢周欲倚檣以謀成桂言于瑤著令曰復有論劾者以誣告論未幾召還檣及李崇仁成桂殺夢周再放檣于韓州瑤遣使謂曰兩州之外惟卿所適檣憮然曰臣願無田宅果安婦平遂貶衿州尋徙驪典高麗自玄陔不君政婦李氏檣與夢周立昌擁禍思奪社稷于成桂之手而延王氏一綫之緒東史稱其與夢周同心終始不變臣節可不謂忠乎成桂之放弑以辛氏爲口實而東史亦曰宋儒謂元帝本非馬宗東晉大臣以國勢有婦不得已而安之檣于立辛不敢異議亦此故也李氏專政有年國論在手竊國二百餘年皆其臣子悠悠千古誰與辯牛馬之是非乎定哀多微詞東史有焉學在四夷詎不然乎

早行

凌晨問前路晚色未全分帶月馬頭夢隔林人語聞樹平連野霧風細繞溪雲異國堪愁絕南天無雁群

漢南弄月

日落沙猶白雲移水更清高人弄明月只欠紫雲笙

簽書李崇仁

崇仁天資英銳文詞典雅李穡稱之曰山子文章求之中國不多得也李仁任議迎元使崇仁上書都堂曰若迎北使舉國之人皆蒙亂賊之罪仁任不受其書與鄭夢周等並流已而復用爲簽書密直司事洪武二十一年副侍中李穡如京師賀正且請王官監國次年流京山府三年召還成桂篡立貶李穡于驪典廢崇仁爲庶人成桂篡國之日東國之臣子不忍背王而事李者穡夢周之外崇仁其矯矯者也夢周謀李之日崇仁與穡偕召成桂篡立之後崇仁又與穡偕貶則崇仁爲王氏之忠臣居可知矣

古意

山翁得乳虎養之置中園馴擾日已長狎近如家豚婦言虎性惡翁怒愛愈敦畢竟噬翁死寧復顧前恩人皆笑翁癡我獨爲翁冤莫涉銀漢水莫登青雲途無波能覆舟平地亦摧車曾參終殺人蕙苴爲明珠但識說者巧孰云聽者愚浮生似幻化是非兩空無何如東門侯種瓜手自鋤

和辛偶王引李成桂爲大將軍後成桂竟放辛嗣而殺崔瑩更立恭讓王  
孫成桂沈愆符相之德符忤成桂流之遼島以鄭夢周代之崇仁夢周弟  
子也深憂而作此詩

詠史

王風日以降瞻烏于誰屋秦售十二城趙誇如此壁宿昔相如子風雲氣  
絕倫忽承趙王命携璧西入秦強秦尚詐術弄璧城不入公子怒見欺裂  
皆睨柱立全璧歸趙廷位列廉頗左計謀自云拙幾作澠池虜壯士豈若  
此公子非真勇暴虎復憑河事有輕且重兩國爭嚙噬璧乃秦兵餌天地  
相顛倒血成滄海水強弱自有分竟入秦王府邯鄲白骨寒鬼哭千萬古  
挽金太常

禮儀今大叔史學昔公羊四十人間世千秋地下郎空庭餘敗艸老樹耿  
斜陽俯仰成陳迹經過只自傷

僧舍

山北山南細路分松花含雨落紛紛道人派井埽茅舍一帶青烟染白雲  
左司議鄭樞

恭愍王十四年樞爲左司議與正言李存吾極論幸咤之奸顯怒召樞等  
面責咤與顯並據胡林存吾目咤叱之咤不覺下牀顯愈怒下巡軍獄曰  
畏存吾怒目也命李穡鞠之問樞等誰誘爾上疏樞曰見上委政非人將  
危社稷不得默默豈待人誘穡曰不可以令公故開殺諫官之例免死貶  
東萊縣令

汚吏

城頭烏亂啼城下汚吏集府牒昨夜下豈辭行露濕窮民相聚哭子夜誅  
求急舊時千丁縣今朝十室邑君門虎豹守此言何自入白駒在空谷何  
以得維繫

金九容

九容初與李崇仁等上書都堂阻迎北元使被流李詹時爲諫議上疏請  
誅李仁任池淵下獄拷訊並杖流之

江水

江水東流不復回雲帆萬里向西開菰蒲兩岸微風起楊柳長堤細雨來  
驚夢遠迷箕子國旅愁獨上楚王臺行行見說巫山近一聽猿聲轉覺哀

李膺

雜詠

舍後桑枝嫩畦西  
薤葉稠陂塘春水滿  
稚子解撐舟

朝鮮國王李芳遠

芳遠成桂之子也成桂篡立芳遠使趙英珪擊殺鄭夢周以兵入宮門逼恭讓王瑤出于原州永樂元年襲位十七年告老子殉嗣卒謚恭定

獻大明永樂皇帝

紫鳳銜書下九霄  
遐歌喜氣動民謠  
又潛龍虎聲相應  
未戮鯨鯢氣尚驕  
出建萬里江山歸  
正統百年人物見  
清朝天教老眼觀  
新化白髮那堪不  
肯饒  
吳人懷想賞日朝  
餅乃箕子之國然  
世遠故從三仁之  
風汎矣悲夫  
擬生評芳遠此詩以  
其有未修鯨鯢之句  
而深非之也芳遠父  
子獄王氏曰君若忠  
臣而勸其辨其為此  
也吾無識焉爾義父  
而替其珍他人之兄  
不曰迂乎

鄭道傳

道傳初與李崇仁上書都堂阻迎北元使復自請執政曰我當斬使首而

來不爾則縛送于明爲李仁任所惡流于會津李成桂專國道傳傾身附  
之金星貫月瑤問道傳何奕道傳曰咎在上國不關我朝爲成桂諱也成  
桂爲都總制使道傳爲右軍總制使上書都堂請誅李穡禹玄寶爲成桂  
除異已者鄭夢周亦使省憲刑曹論道傳奸惡放歸其鄉奉化縣而召還  
穡與李崇仁成桂墜馬疾篤諫官乘間極論道傳宜于貶所寘典刑瑤召  
夢周議使人執道傳于奉化囚浦州成桂殺夢周將禪位立召道傳還爲  
奉化郡忠義君洪武三十年上覓朝鮮表辭侮慢使者言鄭道傳所撰上  
遣索道傳王巨懼送鄭總等三人至言道傳病不能行表實總等所撰上  
留三人不遣仍諭且開國承家小人勿用如鄭道傳乃小人之尤者在王  
左右豈能助其爲善此非三韓之福也麗臣自李詹以上皆王氏舊臣也  
翼戴篡弒爲李氏開國之臣者斷自道傳始我太祖以表詞不遜索道傳  
於彼中雖明知其不我予其所以寒亂臣賊子之心者至矣

重九

故園歸路渺無窮木遶山圍第幾重望欲遠時愁更遠登高莫上最高峯

曹底

五靈廟

唐使大明流金幽匿道經十里

村南村北雨淒淒五廟靈宮楊柳低十里江山和睡過竹林深處午鷄啼

趙云

佐嘉靖中得江陵府使有惠政邑人爲立祠

卽事

荆門日午喚人開步出茅亭石滿苔昨夜山中風雨惡一溪流水泛花來

成石磷

送人之金山

一萬二千峰高低自不同君看日輪上何處最先紅

鄭希良

有懷

我愛權氏子相從自結髮伯也負意氣仲也挾奇骨吾常倚其間屹立而  
冉足宿昔互爭霸詩酒作勍敵決志恐難全飲刃各堅壁今也吳蜀魏長  
江限南北形影已寂寥魂夢亦緬邈思之不可見獨立歌伐木

晚歌

浮生一虛夢舉世皆未覺靡靡空中絮東西互飄泊譬如歸山雲徐疾紛



相錯日暮滄無蹤  
鳥沒天寥廓  
乃知昧者悲  
至人脫鷓鴣  
緝深松  
間茂栢地  
下正相樂  
捐棄勿復道  
天地會銷鑠

夜雨

九嶷嗟峨楚雲碧  
鷓鴣啼雨湘江夕  
寒聲浙瀝何淒淒  
竹間哀淚懸餘滴  
楚些爲招帝子  
魂月恨風愁天亦泣  
孤帆一夜滯未歸  
遠客蕭蕭生白髮

秋望二首

秋光濃淡雨復晴  
海波不動含深綠  
平沙若剪雲嗟峨  
雁背斜光斷還續  
西風吹影落魚磯  
字字新出臨池墨  
稻梁離離網弋多  
急向蘆花深處宿  
渡頭楓樹霜初結  
海風吹滴猩猩血  
秋光上下鏡面平  
清光一片琉璃徹  
沙頭眠鷗忽驚起  
客帆飛去波明滅  
烟水蒼茫野牧歸  
數聲短笛吹新月

江村

青山影空釣石寒  
海門秋色濃可掬  
漁人帶蓑臥不驚  
沙島欲起還相逐  
一聲欸乃及暮歸  
南隣喚酒酒初熟  
絲絲細雨急收網  
一抹斜陽掛枯木

偶題

十年磨劍遠平戎  
勁業蕭條欸轉蓬  
瘴氣橫空雲似墨  
胡山如削雪爲峰

地連龍穴天多雨，門對鯨波畫亦風。幾被故人吟桂樹，客意落莫做歸鴻。

塞上

客意偏惜歲華殘，蘆荻蕭蕭雪滿山。塞外風高鷹翅健，陣前雲起角聲寒。

漫書

鳴江如帶去悠悠，歲月無聲暗逐流。萬里胡天雲出塞，一聲羌笛客登樓。長風吹送燕山雨，斷雁歸來鶻野秋。對酒却歌鄉國異，孤城落日獨搔頭。

成侃

古曲

龍門百年桐幾日，凌霏靈裁爲膝上。琴宛抱咸池，曲高歌試一彈。中夜山鬼泣，君子亦如此。蓋棺事迺畢。

田父行

龍雉雙飛艸深碧，隴上老人長歎息。我生今年七十餘，手脚胼胝面黧黑。男婚女嫁知幾時，短衣襤衫纔掩膝。昔年召募度流沙，萬里歸來鬢如雪。殷勤荷鋤還荷鋤，石田燒燭牛蹄脫。牛蹄脫兮空汗流，獨坐茫然心斷絕。

成侃

擬古

今日良宴會嘉賓滿高堂綺肴溢雕俎美酒盈金觴左右燕趙姬眉目婉  
清揚朱絃映皓腕列坐彈宮商流年雙轉較倏忽髮已霜相逢且爲樂何  
用苦慨慷金張竟何許纍纍歸北邙

水綿詞

江南木綿色逾白晴雪紛紛鋪簾席小機搖作鴉櫓聲軟孤彈罷秋雲積  
殷勤少婦坐夜闌風吹紛絮紫易鬢絲僵水溢機杼促軋軋輕梭玉指寒  
肝腸欲絕愁難絕孤燈閃閃光明滅半將裁剪小兒衣半將裁剪寄金徽  
銅壺催曉眠不得淚水點點明羅幃

釋宏演

游紫清宮

洪崖先生舊所隱階下碧桃花飄零夜光出井流瓊液露思松根生茯苓  
天女或携綠玉杖仙人自讀黃庭經隣寺歸來不五里回頭望斷烟冥冥

徐居正

字剛中諱政府左丞贊有文學所著有北征稿

古意

海底珊瑚高幾丈，千年試作千尋網。萬牛挽出滄溟深，蛟龍怒號霹靂奔。  
扶桑日浸紅濤熱，北華照曜黃金闕。季倫本是蠱男兒，金椎一擊紛如雪。  
卽事

小沼如盤水淺清，菰蒲新發荻芽生。連筒引却前溪水，養得芭蕉聽雨聲。  
春日

金入垂楊玉謝梅，小池新水碧于苔。春愁春興誰深淺，燕子不來花未開。

申叔舟

天順四年張寧使朝鮮館伴有左議政申叔舟

陽德驛

北塞歸遠途千里，度陵谷日暮投陽德館。宇半茅屋輕風吹枯枝，短垣依  
斷麓。雨歇行雲低，山深聽鳴鹿。坐久正蕭然，清溪走寒玉。遠客自無寐，呼  
童剪殘燭。

寄權正卿

東極來千里，邊城月再盈。隔江皆虜聚，問地半胡名。鼙鼓連山動，風沙拂  
面生。和戎謀已拙，兩鬢雪花明。

白元恒

秋夜

艸堂清夜雨初收，小雨寒螢濕不流。  
獨臥牀頭思往事，砌虫啼破一簾秋。

崔應賢

次慶州壁上韻

風塵回首幾番春，案牘堆前白髮新。  
夜半慣成林下夢，明朝依舊未歸人。

金訢

對馬島舟中夜作

獨泛孤蓬臥未安，西風一夕晚潮寒。  
海天秋色尋無處，却向潘郎鬢上看。

南孝溫

西江寒食

天陰籬外夕寒生，寒食東風野水明。  
無限滿船商客語，柳花時節故鄉情。

金宗直

會蘇曲

七月望日新羅儒理王使王女各率六部女子積于廣庭八月望日乃

考其工負者設酒相與歌舞百戲皆作謂之嘉俳是時有負家女子起舞而歌曰會蘇後人因其聲而作歌云

會蘇曲會蘇曲西風吹廣庭明月滿華屋王姬壓坐理纜車六部女兒多如簇爾筐既盈我筐空醜酒柳榆歌相逐一婦歎千室勸坐令四方勤杆軸

黃昌郎

黃昌郎卽非清郎也八歲時爲新羅王殺百濟王乃往百濟舞劍于市觀者如堵百濟王聞而奇之召入宮令舞劍因刺殺百濟王後人作假面以象其舞考之史傳絕無左驗今觀其舞周旋顧盼望之凜凜

若有人兮方離齧身不三尺一何驍平生汪錡我所師爲國雪恥心無憐劍鐔向頸股不粟劍鐔指心目不搖嗟爾千乘如蓬蒿

聖母祠禱函

前峯已失後峯青屏巖接人不解晴誰画遨頭一簑笠滿村風雨看苗生

華山巖

塚上青青連理枝行人爭唱華山巖野棠花發當寒食幾度春魂化蝶飛

答晉山相公

村南村北祝純樸，榆柳陰陰鳥雀啼。身遇太平生事足，日斜扶醉斷橋西。

送李節度赴鎮

鰲背樓臺一俯憑，海波萬里碧千澄。太平未試龍韜策，射雉還過竹院僧。

金淨

遊鄭氏池亭

主人發天秘籬，落成滄浪孤亭。如鳧鸞載我浮中央，清颺扇巾憤山翠。滴壺觴游魚聚，簷影飛絮骨海棠。聊將倦遊客一笑，酬年光森森萬竿竹。感沓驅商羊鏡面亂浮沫，並行相扶將須臾。動漣漪艸木耿斜陽。

禱龍潭

猿呼鳥復噪，四山忽已暮。回汀攀杜若，葉葉露涼露。聊就菰蒲眠，秋聲在高樹。

秋闈

木落千山江杳杳，秋空一雁秦雲渺。空階月皎蛩音長，蔓艸露滴螢光小。耿耿殘燈夜半過，紅樓西畔落星河。邊衣剪罷寒不寐，曉曉西風鳴敗荷。

旅懷

江南殘夢盡厭厭愁逐年華日日添鶯燕不來春又去落花微雨下重簾

村舍

水鄉豐德郡蕭寺遠浮烟地近村燈近天垂水氣連

申光漢

庚午會試進士刻有桐常常發策嘉靖二十五年行人王瑞

將立朝辭國人刻并皇華集王命光漢爲後序

次華使張承憲公遊漢江

天上河源落五臺樓前澄影隔塵埃楊花春盡帆歸遠楫島烟消雁影來  
物色不隨游子去芳樽今爲使君開三韓勝地皆方丈更借仙風傾一杯

癸巳三日寄茅洞端山二首

去年三月初三日燕已歸巢花已開人事天時多異態別情春思重相催  
前村後谷應無恙舊約同游底不來茅洞風流還可繼善山雖去瑞山回  
三三九九年年會舊約猶存事獨非芳艸踏青今日是清罇浮白故人違  
風前燕語聞初嫩雨後花枝看亦稀茅洞丈人多不俗可能無意典春衣

寄稷山宰閔君



招尋相對縣西陵白日玲瓏看納冰  
被酒夜歸渾似夢小村時點積麻燈  
望三負山有感

孤舟一出廣陵津十五年來未死身  
我自有情如識面青山寧憶舊游人  
書事

歸思無端夢自迷先生今老小村西  
杏花繞屋繁如雪春雨霏霏山鳥啼  
暮景

樹密深濃翠孤烟淡作雪前村聞犬吠  
暗路艸中分  
安遜

從軍行

關雲漠漠關雪堆北風慘慘山木摧  
長河水合馬蹄滑沙塞日落胡笳悲  
自恨少小係軍籍愁枕戈眠不得苦  
寒苦饑不敢言誰人不畏將軍律  
中宵愁歎何紛紜猶將膏血輸將軍  
將軍好服黑貂服十貂皮當金十斤  
將軍獨嗜太牢味一日軍中九牛斃  
山無餘貂野無牛誅飲無窮垂楚至  
將中粒機中布日日輸入將軍庫將  
軍日富士日瘠欲往訴之逢彼怒君  
王每憂軍士寒毛衣布袖輪歲闕將  
軍分給苦不遍肌膚凍裂手拘學蠅

蟲歲旱無歲無不聞賑恤聞催租阿翁棄姑兒棄婦過牛相攜逃入胡胡  
中艱辛不可說猶勝將軍凌膏血將軍將軍胡不去去作公卿一軍悅天  
門杳杳巖九關御史紛紛深閉舌廉頗李牧不復生激烈悲歌腸肉熱

崔慶昌

李少婦詞

鐵原李淑卿婦梁文學無何梁文學應試漢京遂及第擢弘文館不還  
淑卿懷之鬱抑而死間者悲而哀之作歌以表其貞靜專一之志云

相公之孫鐵城李恭得幽閨天質美幽閨不出十七年一朝嫁與梁家子  
梁家之子鳶鳳雛珊瑚玉樹交枝株池上鴛鴦本成匹園中蛺蝶何曾孤  
丈夫壯志仕遠方山川阻絕道路長兒女含情不忍別一別那堪腸斷絕  
高梧華落黃花香忽驚今日重陽節佳晨依舊復誰在滿苑萊莢不堪採  
更上高樓望遠天涯極目空雲烟不向旁人道心事回頭滴淚空潛潛  
牛羊啼盡山欲夕門外終無北來客此身願得歸泉上死後那知離別苦  
春花易落蘭早摧鳳臺翠幄垂蛛絲芳魂不作武昌石定寄湘江斑竹枯  
斑竹枝頭杜鵑血血點淚痕俱不滅青山碧艸夜茫茫千古香魂墳上月

許筠

筠與弟筠皆舉狀元筠以弘文館遷臺諫萬曆壬午爲成均館司成

感遇

君好堤邊柳妾好嶺頭松柳絮忽飄蕩隨風無定蹤不如歲寒姿青青傲  
窮冬好惡苦不定憂心徒忡忡筠女弟適金成立賢而不愛以此而發乎

牽情引

熊州樓觀飛雲外白簡霜威凌皂蓋組練三千引繡衣羅裙二八鳴珠帶  
九華之帳香氤氳寂寞樓午夜分亭里佳人嬌薦枕巫山仙子渺行雲  
牽情夢罷看歸路別恨迢迢隔烟霧妾心苦作藕中絲郎意何如荷上露  
錦水東西楊柳新往來愁殺斷腸人欲將心事寄青鳥芳艸年年空復春  
朝鮮祖述唐宋故事驛亭昔設官妓詩以弘文館選臺諫按部行縣其所  
遇歌妓若此

出山別元叅學

花宮星斗寒相映疊疊春山聞夜磬楚客初招萬里魂胡僧暫起經年定  
王孫綠艸漸芳菲松月留人歸未歸歡喜嶺頭叢桂暗芙蓉峰下怪禽飛

荷衣蕙帶宿雲濕寶殿沉沉鬼神泣明日朝陽江上行知君惆悵溪頭立

鏡囊詞

江上女兒當窗織染得深潭千丈黑什襲珍包入尚方五丁輪取歸東國  
幾年箱篋有餘香爲君裁作明鏡囊裡青銅明似月鏡中玉貌春花光  
青銅可磨石可轉唯有片心終不變欲識中情長憶君日日揭囊看鏡面

許筠

筠與二兄鈇箴以文鳴東海鈇箴皆舉狀元而筠尤敏捷一覽不忘詩文  
皆能開誦景樊其妹也筠撰朝鮮詩選後序云朝鮮承太師之教彬彬文  
學稱于中土逮唐始通賢科崔致遠崔匡裕輩咸游學中華接踵舉進士  
顯於當時宋元修之不替高皇帝遣符乘運聖澤旁流光澤八表維我  
東方首修厥貢嘉獎猶內服然若金濤輩猶赴闕試及進士第洪武中以  
洪倫金義之亂而中止旣而循之不以釐正此小國之至竟也崔致遠金  
濤輩獨何幸與或以是編之盛觀者憐而更張之三韓之士拜賜厚矣筠  
以科名冠冕東國而慨慕中華以不得試于天子之廷爲深恥斯以見  
東方禮讓之邦迥出於四裔而國家久道化成之盛亦從可徵矣

送姑來正軍全吳不干什魚州大姑見姑還記天立期

考國行有長中外外判殊人早無引夷却夏堤別以落口地引昔中第

詔見神何咆必甚分益楚越止所沾應引每法相立照山冰空靈以映

姓泉抱月紅倚兮玉巧覺外我胡梳印唾芥珠早復已君冠絕此方二期

子久去登岳龍川遠不此伍成以離明訣地圓計河上塔姑隱刻噴奔秋

且如坊方也獨炮熱不此川去心胡私行奔休号母以令丕阻刻日豎鞭

岳東弁陸信尚安用堪兵引海迎嚙地日弁流裙血以須以馮上魯尼連

不子巧却化黍丘掉老十但舌量勿姑嫌子九引夾午晒咆勉色狗仗壯

早夫理節

聽子野琴

秋風入高樹幽齋聞清音誤疑在溪壑不知傍有琴我愛康子野與世任

浮沉美哉恬澹質濳我塵垢心

送盧判官

秋山懸夕照客意已悲涼况復當此時送君端故鄉相對茅簷下燈火吐

清光佳人抱瑤瑟促柱傾壺觥殷勤須盡醉明發各茫茫

平壤送南士還天朝二首

公子中州彥，迥逸青雲姿。詩情敵謝朓，賦筆凌左思。慷慨請長纆，萬里東  
海涯。壯志卜剴鼻，蹄心西馳箕。郊尚秋熱行，李多嶮巖。知音既云稀，以  
復將遠離。長路涉滄海，念之涕雙垂。

弱齡有遐想，棲遲在丘壑。玩世笑東方，隱几師南郭。中年來城市，誤爲簪  
組縛。誰言珥彤管，素志非黃閣。公子稽山秀，爲說稽山樂。萬壑夾崖流，千  
巖當鏡落。天台與雁宕，相對對冥莫。所恨天一方，不得凌垠嶠。尚冀通閩  
梁，東南驛行脚。徘徊雲門寺，攜手翔家廊。

江天曉思

西飛燕東流水，人生倏忽春夢裡。一夜狂歌不盡歡，十年惆悵情無已。清  
烟汀樹春曠曠，曲欄珠箔星在東。蘭臺鳴鼓逐曉發，輕帆一片飛長空。

菰珠曲

雲窻霧閣何夜長，湘簾明月低銀牀。玉斧真人年正少，羅衾好綰雙鸞  
帶。蘭燈紫燭照回閣，欄外絳河猶未落。宿香乍染翡翠衾，雲未散芙蓉  
萼。佳人風骨廣寒仙，霞裾六葉裁輕烟。羽蓋朝朝向玄圃，蟠桃花發三千年。

陪吳恭軍子魚登義城

迥野垂天末長江接海流  
雨餘多牧笛風急少行舟  
一鶚穿雲去雙鳧就渚浮  
相憐無限思空倚仲宣樓

吳子魚南庄婦興次韻

松閣竹徑帶晴烟家住溧州第二天邊屋溪聲來更遠捲簾山色自堪憐  
家人宿火炊鱸菜坐客清談汲茗泉偏縛塵纓爲傲吏幾將鄉思賦端田  
篤家江陵江陵古涇州也在五臺山下三轉有十二洞天此爲第二洞天

東吳子魚先生

野館荒涼門半開入簾殘月影徘徊  
露蟲偏向秋林織今夜故人來不來

李秀才

呈吳子魚先生

凌晨走馬入孤城籬落無人杏子成  
布穀不知王事急隔林終日勸春耕

藍秀才

席上賦呈吳子魚先生

平壤城北路偏賒滿目烟波日又斜  
且向尊前情歡笑馬頭開遍海棠花

尹國馨

感懷呈子魚吳參軍

麻衣偏拂路岐塵，鬢改顏衰曉鏡新。  
上國好花愁裏盡，故園芳樹夢中春。  
扁舟烟月思浮海，匹馬關河倦問津。  
七載干戈歎離別，綠楊鶯語太傷神。

梁亨遇

游龍山呈吳子魚先生

桃花開後杏花稀，客子來時燕子飛。  
山郭數村芳艸合，野籬三面亂峰圍。  
風塵岐路何年盡，破帽長裾此計非。  
遙憶故鄉歸不得，白鷗春水掩柴扉。

梅月堂詩

朝鮮梅月堂詩二卷，不知何人之作。有游金鰲錄關東日錄多記新羅故事，而詩殊非淺不足觀。其詩云：十年流落瞻望神都，又云李陵豈欲終投虜，伍員何期竟死吳。又有被孝寧大君拘留于京乞請還山之作。

和鍾陵山居詩二首

人間變態薄於紗，端合歸來臥碧霞。  
老境病蟬藏翳葉，人生秋蝶寄浮槎。  
風前細細飛松子，雲外毵毵落桂花。  
莫道道人嚙沆瀣，巖邊春肉種胡麻。



蚊蠅雙雙飛藥畦  
山禽饒語竹籬西  
一叢枸杞花初遍  
五楹人參葉已齊  
翠竹林中香麝睡  
紫荊枝上画眉啼  
千峰昨夜踈踈雨  
泛灑南池漲小溪

蘇谷詩

朝鮮蘇谷詩集六卷不載姓氏觀其憶昔行贈申正郎滌云嗟嗟天子  
聖命將出東征首事箕王都破竹游及迎漢京賊先遁大駕隨公卿紳  
劍朝儀在庶見王都清一旅復夏業簡策傳諸經無忘在莒心日日望  
聖明知其爲萬曆間陪臣當 神廟興復屬國之後而作詩以誦也天  
啓中毛總兵文龍守皮島屬訪求東國圖籍以此集見寄崇禎丁丑余  
獄中有詩曰東國已非箕子國高驪今作下句驪俛仰今昔可爲流涕

夜泊大灘

夜攪泊灘下水村霜氣淨枯查拾沙渚爨火乞漁燈病客孤舟夢寒江十  
月水擘家今幾日黃帽是親朋

別李季獻之京

別意不自制別情良可嗟海隅爲客久關外送人多野岸飛花樹春橋水  
上波猶同子規鳥洒淚濕林柯

公山逢宋廷玉

寇盜經年歲于戈滿漢陽所親皆喪亂不敢問存亡  
西日瞻行殿東風入故鄉時危對君酌涕淚欲沾裳

曉行板橋村

水闊西路聽鷄鳴宿月初沉曉霧平人響聞開茅店語馬蹄  
連上板橋聲悠悠漸喜鄉山近瓊瓊偏知放態生更下長  
坡說徒侶天明須趕及先行

寄問許典翰

甲山西北接陰山易道懸雲不可攀遷客北行何日到家  
者時寄隔年還長聞刁斗城堦裏但見鼙貂樹木開聖代  
豈終才子棄其教三十鬢成斑

渡清川江

安州城外水如天立馬沙頭喚渡船帆帶晚烟依岸雁迷殘  
日下蘆田長途旅客思歸計向老筋骸憶少年始信在家貧  
亦好近來雙鬢轉蕭然

書懷

人間萬事不如意得失悠悠看塞翁好月樓臺還有病  
落花時節每多風倘來軒冕虛無裏過去英雄寂寞中  
五十之年何所有一聲長嘯望遙空

道中感懷

龍泉鳴吼匣中悲，十月西風兩鬢絲。  
黃葉滿山秋寺廢，白沙連渚小橋危。  
孤帆過後千峰夕，匹馬行時百艸衰。  
半落故厓空入夢，亂藤踈竹有茅茨。

題清道李家壁

南來數月計多違，節序如流已授衣。  
旅舍不堪黃葉落，暮天遙望白雲飛。  
沙梁雁下寒江渚，門巷烟生苦竹扉。  
唯有同來野僧在，病吟相對說西歸。

贈別韓景洪獲

西街曲巷尹家庄，每到尋常把酒觴。  
金盞舊時如夢寐，亂離今日更淒涼。  
短衣關塞風霜苦，匹馬秦京道路長。  
往事悠悠問無處，送君安得不沾裳。

立春吳體

江東客裏逢立春，節物風光愁殺人。  
盤中生菜不可食，門前柳條還欲頻。  
悠悠西塞獨身遠，杳杳南園多兵廬。  
中興宗社大臣在，悵望涕淚沾衣巾。

客懷

此身那復計西東，到處悠悠逐轉蓬。  
同舍故人流落後，異鄉新歲亂離中。  
啼鴻影度千峰雪，殘角聲飛五夜風。  
惆悵水雲關外路，漸看芳艸思無窮。

謝勸上人

新家峽裏老農居，田圃收功不願餘。百計謀生無上策，數詩排悶有中書。  
秋晴林迳時行藥，雨後溪潭見釣魚。惟有野僧知我意，近來棲息問何如。

無題

瑤絃織纒合權牀，暖壓紅錢小洞房。夢覺秦樓分翡翠，日沉湘浦斷鴛鴦。  
粧細寶月明珠綴，腰帶盤雲瑞錦囊。十二斜行金雁柱，碧沙如霧掩秋香。

龍城次玉峰韻

清溪雨後起微波，楊柳陰陰水岸斜。南陌一樽須盡醉，東風三月已無多。  
離程處處王孫艸，門巷家家枳殼花。流落天涯爲客久，不堪中夜聽吳歌。

平調四時詞四首

門巷清明燕子來，綠楊如霧掩樓臺。同隨女伴鞦韆下，更向花間鬪艸迴。  
五色綵針倦繡窠，玉階新發石門花。銀牀冰簟無餘事，盡日南窗缺蝶多。  
金井梧桐下玉闌，琵琶絃緊不堪彈。欲將寶鏡勻新黛，捲上珠簾怯早寒。  
錦幕圍香寶獸危，曉粧臨鏡溢臙脂。繡籠鸚鵡嫌寒重，猶向簾間瓦待兒。

步虛詞七首

三角峨峨鬢上綃散垂餘髮過纖腰須臾宴赴西王母一曲霓簫向碧霄  
青銅結伴婉凌華夜下三洲小玉家閑說紫陽宮裡事玉階偷折碧桃花  
王母雲車五色麟白霄前導向西巡天章曉奏虛皇殿仙桂花開八萬春  
仙島焚香禮玉虛紫麟催駕五雲車西宮侍女多嬌笑錄盡三天未見書  
西嶽真君上紫微百靈奔走備威儀三清秘訣無傳授偷寫天章半夜啼  
羊城使者取真符露佩胸前豁落剛直指扶桑催木帝及時傳語上清都  
三壇中夜講真經大集羣仙列下庭唯有老君修別殿千言策送玄冥

宮詞三首

平朝日出殿門開鳳扇雙行引上來遙聽太儀宣詔語罷朝新幸望春臺  
宮牆處處落花飛侍女燒香對夕暉過盡春風人不見院門金鎖綠生衣  
中官清曉覓才人合奏笙歌滿殿春別詔禁園吹玉蕙御袍新賜錦麒麟

江陵東軒

水滿南塘生白烟小桃花發竹林邊自憐病客無開緒一度傷春似去年

題画

綠楊閉戶是誰家半出紅樓映斷霞無賴流鶯啼盡日晚晴門巷落花多

贈樂師許憶鳳

變自矚眼鬢蕭蕭曾捻梨園紫玉簫移向瑤臺彈一曲曲終垂淚說先朝

嘉山道中

嘉陵北望接龜城歷數來途更遠行試向長林望津渡濕雲沉野不分明

題僧軸

離家數日行山路春在花枝亦不多唯有惜春無限意強扶衰病折殘花

悼亡

粧奩蟲網鏡生塵門掩桃花寂莫春依舊小樓明月在不知誰是捲簾人

送尹佐郎暉之上京

九月遼陽塞艸腓朔風霜氣滿征衣行人欲近燕山宿雁乳平蕪曉不飛

送孤竹

仙桂曲題月娥帖和孫谷韻

碧落迢迢霄路長天風吹送桂花香玉簫歸去瑤壇上羅襪寒深一寸霜

悼

許遜不藏姓氏底是朝鮮女子

与字本七

春深古寺燕飛飛深院重門客到稀我正尋花花盡落尋花避爲惜花歸

趙瑗妾李氏

李淑媛自號玉峰主人承旨學士趙瑗之妾遭倭亂死之

斑竹怨

二妃昔追帝南奔湘水間有淚寄湘竹至今湘竹斑雲深九疑廟日落蒼梧山餘恨在江水滔滔去不還

採蓮曲

南湖採蓮女日日南湖端淺渚蓮子滿深潭荷葉稀盤漿嬌無力水漲越羅衣無心却回棹貪看鴛鴦飛

歸來亭

解綬歸來早亭開一水分溪山知有主鷗鷺得爲群林熟先充釀心閒欲化雲菟裘終老地非是做徵君

登樓

小白梅逾臥深青竹更研憑欄未忍下爲待月華圓

謾興贈郎

柳色江頭五馬嘶半醒半醉下樓時春紅欲瘦臨粧鏡試寫纖纖却月眉

登樓

紅欄六曲壓銀河瑞霧霏霏濕翠羅明月不知滄海暮九疑山下白雲多

自適

虛簷殘溜雨纖纖枕簟如寒曉漸添花落後庭春睡美呢喃燕子要開簾

秋思

翡翠簾疎不蔽風新涼初透碧紗梳涓涓玉露圓圓月說盡秋情艸下蟲

秋恨

絳紗遙隔夜燈紅夢覺羅衾一半空霜冷玉籠鸚鵡語滿堦梧葉落西風

寶泉灘卽事

桃花高浪幾尺許銀石沒項不知處兩兩鸕鶿失舊磯啣魚飛入菰蒲去

詠雪次韻

閉戶何妨高臥客牛衣垂淚未歸身雲深山徑飄如席風捲長空聚若塵  
渚白非沙狀落雁愈明忽曉却愁人江南此日梅應發傍水連天幾樹春

成氏



楊柳詞二首

青樓西畔絮飛揚，烟鎖柔條拂檻長。何處少年鞭白馬，綠陰來繫紫游韉。  
條如織，腰葉妬眉，怕風愁雨，盡低垂。黃金穗短人爭挽，更被東風折一枝。

書懷次叔孫兄弟

事隨流水遠，愁逐曉春生。野色開烟綠，山光過雨明。簾前雙燕語，林外數  
鶯聲。獨坐無多興，傷心救不成。

俞汝舟妻

別贈

恨別逾三歲，衣裘獨禦冬。秋風吹短鬢，寒鏡入衰容。旅夢風塵際，離愁閨  
塞重。徘徊思遠近，流歎滯房櫳。

貧女吟

夜久織未休，憂憂鳴寒機。機中一疋練，終作阿誰衣。

賈客詞

朝發宜都渚，北風吹五雨。船頭各澆酒，月下齊盤漿。

許妹氏

許景英字蘭雪朝鮮人其兄鈞筠皆狀元八歲作廣寒殿玉樓上梁文才  
名出二兄之右適進士金成立不見答于其夫金殉國難許遂爲女道士  
金陵朱狀元奉使東國得其集以婦遊盛傳于中夏柳如是曰許妹氏詩  
散華落藻膾炙人口然吾觀其游仙曲不過邀取小茅君便是人間一萬  
年曹唐之詞也楊柳枝詞不解迎人解送人裴說之詞也宮詞地衣簾額  
一時新全用王建之句當時曾笑他人到豈識今朝自入來直鈔王涯之  
語絳羅袂裡建溪茶侍女封緘結採花斜押紫泥書勅字內官分賜五侯  
家則撮合王仲初黃金合裡盛紅露空翠內庫新函進御茶兩詩而錯直出  
之間回翠首依簾立閒對君王說隴西則又偷用仲初數對君王憶隴山  
之語也次孫內翰北里韻新粧滿面頻看鏡殘夢關心榻下樓則元人張  
光弼無題警句也吳子魚朝鮮詩選云游仙曲三百首余得其手書八十  
一首今所傳者多泐襲唐人舊句而本朝馬浩瀾游仙詞見西湖志餘者  
亦竄入其中凡塞上楊柳枝竹枝等舊題皆然豈中華篇什流傳鷄林彼  
中以爲琅函秘冊非人世所經見遂欲掩而有之耶此邦文士搜竒獵異  
徒見出于外夷女子驚喜誌歎不復覈其從來桐城方夫人採輯詩史評

徐媛之詩以好名無學四字過謂吳中之士女於許妹之詩亦復漫無節  
括不知其何說也承夫子之命曾校香奩諸什偶有管窺輒加繫記今所  
撰錄亦據朝鮮詩選存其什之二三其中字句竄竊觸類而求之固未可  
悉數也觀者詳之而已

古別離

韓韓雙車輪一日千萬轉同心不同車別離時屢變車輪尚有迹相思獨  
不見

感遇 三首

盈盈窗下蘭枝葉何芬芳西風一夕起零落悲秋霜秀色總消歇清香終  
不死感物傷我心流涕沾衣袂

古屋晝無人桑樹鳴鶻鴞蒼苔蔓玉砌鳥雀飛空樓向來車馬地今成狐  
兔丘信哉達人言憾憾復何求

梧桐生嶧陽鳳凰翔其傍文章爛五色嗒嗒千仞岡稻梁非所慕竹實適  
其食奈何桐樹枝棲彼鴟與鴞

妹氏不愛于其夫而言若此

寄伯氏詩

晴窗銀燭低流螢度高閣悄悄深夜寒蕭蕭秋葉落聞河音信稀沉憂不  
可釋遙想青蓮官山空蘿月白

鳳臺曲

秦女侶蕭史日夕吹參差宗臺騎彩鳳渺渺不可追天地以永久那識人  
間悲妾淚不可忍此生早別離

望仙謠

瑤花風細飛青鳥王母麟車向蓬島蘭旌蓋帔白雉裘笑倚紅欄拾瑤州  
天風吹壁翠霞裳玉環金珮聲琅琅素娥兩雨鼓瑤瑟三花珠樹春雲香  
平明宴罷芙蓉閣碧海青童來白鶴紫簫聲裡彩雲飛露濕銀河曉星落

湘絃曲

薰花泣露湘江曲點點秋烟天外綠水府涼波龍夜吟蠻娘輕受玲瓏玉  
離魂別風隔蒼梧雨氣浸江迷曉珠神絃聲徹石苔冷雪鬢霧鬢啼江姝  
瑤空星漢高超忽羽蓋金支五雲沒門外漁郎唱竹枝銀潭半掛相思月

四時歌

春歌

院落深深杏花雨，碧聲啼遍辛夷塢。流蘇羅幙春尚寒，博山輕飄香一縷。  
寶鏡曉梳春雲長，玉釵寶髻蟠鴛鴦。斜捲重簾帖翡翠，金勒雕鞍歎何處。  
誰家池館咽笙歌，月照清尊金叵羅。愁人獨夜不成寐，紋綉曉起看紅淚。

夏歌

槐陰滿地花陰薄，玉簟銀牀敞朱閣。白苧新裁染汗香，輕風洒洒搖羅幙。  
瑤塔飛盡石榴花，日曠晶簾影欲斜。雕梁畫永千眠重，錦茵扣落釵頭鳳。  
額上鵝黃膩曉粧，鶯聲啼起江南夢。南塘女兒木蘭舟，采蓮何處歸渡頭。  
輕撓漫唱橫塘曲，波外夕陽山更綠。

秋歌

紗厨爽氣殘香迥，露滴虛庭玉屏冷。池蓮粉落夜有聲，井梧葉下秋無影。  
金壺漏徹生西風，珠簾唧唧鳴寒蟲。金刀剪取機上素，玉關夢斷羅帷空。  
縫作衣裳寄遠客，蘭燈熒熒明暗壁。含啼自艸別離難，驛使明朝發南陌。

冬歌

銅壺一夜聞寒枕，紗窗月落鶯鴛錦。烏鴉驚飛轆轤長，樓前倏忽生曙光。  
侍婢金瓶瀉鳴玉，曉簾水澁胭脂香。春山欲描描不得，攔汗佇立寒霜白。

去年照鏡看花柳琥珀光深傾夜酒羅帳重重團鳳笙玉容今爲相思瘦  
青鸞一別春復春金戈鐵馬榆海濱驚沙吹雪冷黑貂香閣良夜何迢迢

寄女伴

結廬臨古道日見大江流鏡匣鬢將老園花蝶已秋寒山新過雁暮雨獨  
歸舟寂莫窗紗掩那堪憶舊游

送兄箴謫甲山

道謫甲山去江陵別路長臣同買太傅主豈楚懷王河水平秋岸關門但  
夕陽霜風吹雁翼中斷不成行

次伯兄高原望高臺韻

層臺一柱壓嵯峨西北浮雲接塞多鐵峽崩圍龍已去穆陵秋色雁初過  
山迴大陸吞三郡水割平原納九河萬里登臨日將暮醉憑青嶂獨悲歌  
塞上次伯氏

侵雲石磴馬蹄穿陟盡重崗若上天秋晚魚龍眠巨壑雨晴虹蜺落飛泉  
將軍鼓角行邊急公主琵琶說怨偏日暮爲君歌出塞劍花騰躍匣中蓮

效崔國輔

春雨暗西池，輕寒襲羅幕。愁倚小屏風，塲頭杏花落。

塞下曲

寒塞無春不見梅，邊人吹入笛聲來。夜深驚起思鄉夢，月滿陰山百尺臺。

西陵行

錢塘江上是儂家，五月初開菡萏花。半隄烏雲新睡覺，倚欄閑唱浪淘沙。

德介氏

高麗妓

送行

琵琶聲裡寄離情，怨入東風曲不成。一夜高堂香夢冷，越羅裙上淚痕明。

日本五人

釋全俊

出宋學士詩集

全俊字秀崖，姓神氏，日本國北陸道信濃州高井縣人。依善應寺快鈍夫。

出家快印月江之嗣子也。

和宋學士贈詩

一回錯買離鄉酒，抹過鯨波萬里間。震且扶桑無異土，參方飽看浙西山。

天祥

天祥此本以下三人見沐景暉滄海遺珠集

寄南珍

上人居處僻心與石泉清道在從違俗身閒不用名空階松子落雨溼蘚花生怪得稀相見年來懶到城

題龍閣水樓

此樓登眺好終日俯平湖葉盡村村樹花殘岸岸蘆漁翁晴獨釣沙鳥晚相呼何處微鍾動雲藏島寺孤

次韻惟心見寄

世間無住著林下且棲遲映戶幽花發侵階亂竹垂老年銷記性餘習未忘詩此意難爲說西峯道者知

贈李生

異域無親友孤懷苦別離雨中春盡日湖外客歸時花落青山路鶯啼綠樹枝從今分手後兩地可相思

送僧歸重慶

東西千萬里來去一身輕碧鳳山前別黃梅兩裡行江長巴子國地入夜郎城昔我經過處因君動遠情



哭宋士熙

衆山搖落日那忍哭先生老眼非無淚深交最有情人猶惜才調天可厭  
聰明書法并詩律空留後世名

題虎丘寺

東西兩寺今爲一有客登臨見斷碑刺水殘山王霸業苦風酸雨鬼仙詩  
樓臺半落長洲苑簫鼓時來短簿祠盤郢魚腸何處是轆轤千尺響空池  
呈同社諸友

君住峰頭我水濱相思只隔一孤雲夜燈影向空中見晨磬聲從樹杪聞  
咫尺誰知多役夢尋常心似遠離群今朝偶過高棲處坐接微言到夕曛  
夢裡湖山爲孫懷玉作

杭城一別已多年夢裡湖山尚宛然三竺樓臺晴似畫六橋楊柳晚如烟  
青雲鶴下梅邊墓白髮僧談石上緣殘睡鷺來倍惆悵可堪身世老南滇  
長安春日作

何事長安客春來思易迷樂游原上艸無日不萋萋

榆城聽角

十年游子在天涯  
一夜秋風又憶家  
恨殺繁榆城上角  
曉來吹入小梅花

暮春病懷

落花滿地雨絲絲  
九十春光又別離  
行樂送春猶有恨  
那堪多病過花時

機先

機先  
日本入貢者多諱  
論居滇南故沐氏得錄其詩也  
初梓中挽鑑機先  
詩云日出扶桑極  
東處雲歸滇海最西頭  
知機先歿于滇也

寄西山石隱

碧雞山上雪  
烟可埋  
岩房老僧凍不死  
燒葉生微陽  
我欲往從之  
杳杳川  
無梁日落尚延佇  
心隨歸鳥翔

長相思

長相思  
相思長有美人兮  
在扶桑  
手攀珊瑚酌霞氣  
口誦太乙朝東皇  
鯨  
波塵天不可航  
矯首欲渡川無梁  
去時道我瓊瑤章  
蠻牋半幅雙鴛鴦  
鴛鴦不飛墨色改  
攬涕一讀三斷腸  
前年寄書吳王臺  
西湖楊柳青如苔  
今年東風楊柳動  
鴻雁一去何當回  
欲彈朱絃絃斷絕  
欲放悲歌聲哽咽  
孤

鳳夜舞南山雲花清簾前杜鵑血思君不如天上月夜夜飛從海東出月  
明長傍美人身美人亦近明月輪褰衣把酒問明月中宵見月如見君長  
相思長如許千種消愁愁不已亂絲零落多頭緒但將淚寄東流波爲我  
流入扶桑去

寄仲翔外史

天涯又索居歲晏近何如遠水蒼茫外空山寂寞餘老逢諸事懶病覺故  
交疎想見多閑暇應修輔牧書

挽遂光古先生

昨日來過我今朝去哭君那堪談笑際便作死生分曠遠陶徵士蕭條鄭  
廣文猶憐埋骨處西北有孤雲

梁王閣

在碧雞山下

碧雞飛去已千秋聞說梁王曾此游洞口仙桃迎鳳巖岩前官柳繫龍舟  
青山有恨人何在白日無情水自流豈識當時歌舞地寒烟漠漠鎖荒丘

碧雞秋色

滇陽六景之一

碧雞西望水天虛漠漠秋光画不如翠壁烟華搖浪處丹崖樹色著霜初

前朝有問今游鹿落日何人獨釣魚却訝維舟滙浦上芙蓉九疊看匡廬  
寄石隱

古木積蒼烟空山夜悄然遙知崖上月獨照病中禪

聞笛

夜聲吹笛是誰家獨倚高樓月欲斜寒上春情無賴甚那堪又聽落梅花  
雪夜偶成二首

畫角聲殘曙色遲雪花如掌朔風吹吟中二十年三昧未了梅花一首詩  
定起閑吟獨倚闌朔風吹面雪漫漫修心不到梅花地耐得山中一夜寒

大用 日本人

挽遼光古

氣宇自豪邁孤超傲世時冥鴻冲漢志野鶴出塵姿筆勢雲烟起詩名梓  
木知論交三十載死別抱長悲

噲哩嘛哈 日本使臣

答大明高皇帝問日本風俗 洪武二十年

國比中原國人同上古人衣冠唐制度禮樂漢君臣銀篋薦新酒金刀

銅鑼年年二三月桃李一較春

答里麻

日本使臣一云名普福或云卽喀哩麻哈也

西湖二首錄其一

一株楊柳一株花原是唐朝賣酒家惟有吾邦風土異春深無處不桑麻

日本僧左省

沈潤卿吏隱錄云日本使者朝貢過吳內有一僧性渴脫京兆希哲不值子與弟漸偶遇之索紙書字問之僧亦書以對云予乃俄補一官之闕祇有其名貧瘼沙門也名左省號鈍牛又曰我國中無此官惟禪僧學本國文字故充使臣耳問謁祝君何爲又書云仲春之初雨雪連日蓬底僵臥今日新晴扣祝君書屋幸遇君一笑依稀十年之舊杜少陵所謂能吏逢聯璧華筵值一金著也率賦小詩以呈其詞云云後知其欲來希哲一文耳

二月天和乍雪晴見君似見祝先生醉中不覺虛簷滴吟作燮前細雨聲

日本貢使

倭夷入貢駐舶杭城外湧金門有咏柳詩云云又有句云西風古道捲

楊柳落葉不如歸意多

咏柳

湧金門外柳如金三日不來成綠陰折取一枝城裡去教人知道是春深  
以下不知名三首相傳爲倭人作出四夷廣記

題春雪

昨夜東風勝北風釀成春雪滿長空梨花樹上白加白桃杏枝頭紅不紅  
灣問幾時能出谷燕愁何日得泥融寒冰鎖却鞦韆架路阻行人去不通  
游育王寺

偶來覽勝耶峰境山路行行雪作堆風攬空林饑虎嘯雲埋老樹斷猿哀  
搔頭東塔又西塔移步前臺更後臺正是如來真境界臘天香散一枝梅

詠萍

錦鱗密砌不容針只爲根兒做不深曾與白雲爭水面豈容明月下波心  
幾番浪打因難滅數陣風吹不復沉多少魚龍藏在底漁翁無處下釣尋

交趾國王

被繫入中國詩謁藩臣

誤入中華大邑州夾邦焉敢謂王侯可憐無主東鄰客却作中原大國囚  
雁過衡陽邊塞遠雲遮故里楚天愁有人問我家何在萬里長江不斷頭

安南使臣

弘治間貢使此詩黃布政表傳之見蓬齋日錄

過吉水吊文丞相

吉水江頭繫客舟緬懷丞相舊風流堂堂大義勤王日耿耿孤忠就死秋  
北伐白期終復漢東征誰謂竟亡周一身歌任綱常責肯戴南冠學楚囚

占城使臣

進貢初發占城

行盡河橋柳色邊片帆高掛遠朝天未行先識歸心早應是燕山有杜鵑

揚州對客

三月維揚富風景暫留伴客與同林黃昏二十四橋月白髮三千餘丈霜  
玉局詩翁賢太守紅蓮書記好文章欲尋何遜舊東閣落盡梅花空斷腸

江樓留別

其云日本貢使作

青嶂俯樓樓俯渡遠人送客此經過西風楊子江邊柳落葉不如離思多

題葵花

宮闈薛之天工堂問葵花何名人始之曰一丈花也即題

云云見近舉問

花於木槿渾相似葉比芙蓉只一般五尺闌干遮不盡徧留一半與人看



列朝詩集

閩集第六終